


IBhayibheli LaBantwana Likulethela



Izulu, Ikhaya LikaNkulunkulu Elihle




Ibhalwe ngu: Edward Hughes
Kwabonakala ngu: Lazarus; Alastair Paterson
Ifanekiswe ngu: Sarah S.
Itolikwe ngu: Goodwill Sithembiso Gwala
Ikhiqizwe ngu: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2021 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.

Ngenkathi uJesu ephila emhlabeni Waxoxela abasizi Bakhe ngeZulu. Wayelibiza ngokuthi "Ikhaya LikaBaba", bese wathi kukhona izithabathaba zemizi eminingi. Isithabathaba umuzi omkhulu futhi omuhle kakhulu. IZulu likhulu futhi lihle okudlula yonke imizi emhlabeni.




uJesu wathi, "Ngiya ukuyonilungisela indawo, ngobuye ngize, nginibuyisele kimi ukuba lapho ngikhona nibe khona nani." UJesu waya eZulwini emva kokuvuka ekufeni. Bebhekile abasizi Bakhe, uJesu wanyuka ngefu waze wasithela.



3


Kusukela lapho, AmaKristu ahlezi akhumbula isithembiso sikaJesu ukuba uyobuya abalande.

UJesu wathi uyobuya masinye, engalindelekile. Pho kwenzekani ngamaKristu ashona Engakabuyi? IBhayibheli lithi bazoya ukuyoba noJesu. Ukushiya umzimba ukuba neNkosi.




4

IsAmbulo, incwadi yokugcina eBhayibhelini, iyakhuluma ngobumnandi beZulu. Kanti into eyisimanga ukuthi, ngendlela ekhethekile, iZulu ikhaya likaNkulunkulu. UNkulunkulu ukhona yonke indawo, kodwa isihlalo Sakhe sobukhosi siseZulwini.



5

Izingelosi zeZulu zikhuleka kuNkulunkulu eZulwini. Kanye nabo bonke abantu baNkulunkulu abashona baya eZulwini. Bamukhonza Bamudumise ngokuhlabelela.



6


Nanka amanye amagama kwalinye lamaculo abaliculayo: UFANELE WENA NGOKUBA WAHLATSHWA, WABATHENGELA KUNKULUNKULU NGEGAZI ELIVELA KUYO YONKE IMINDENI, NEZILIMU, NEZIZWE, WASENZA ABABUSI NABAPRISTI KUNKULUNKULU WETHU. (IsAmbulo 5:9)



7


Ikhasi lokugcina leBhayibheli lichaza iZulu njenge "Jerusalema Elisha". Likhulu kakhulu, nodonga olude ngaphandle. Udonga lakhiwe ngetshe lejaspi elicwebezelayo, elicwebezela njenge ngilazi. Izisekelo zivunulisiwe ngawo wonke amatshe anenani elikhulu.

Isango nesango lakhiwe ngitshe elikhulu lenani elikhulu!



8

Lamasango amakhulu awavalwa. Asike singene ngaphakathi sithi ukuqalaza...MAYE! IZulu lihle okudlulele ngaphakathi. Idolobha lakhiwe ngobucwebe begolide, elicwebezela njenge ngilazi. Ngisho imigwaqo yenziwe ngegolide.




9

Kukhona umfula wamanzi okuphila ocwebezela njengeKristalu, uvela esihlalweni sobukhosi sikaNkulunkulu. Phakathi kwesitaladi sawo umfula emaceleni omabili kukhona umuthi wokuphila, njengaloyo wasengadini yase-Edene. Iomuthi ubalulekile futhi owokhethelo. Uthela izithelo eziyishumi nambili, uthela izithelo zawo izinyanga ngezinyanga, namaqabunga



10

IZulu alidingi ilanga nenyanga ukuba kukhanye, ngokuba inkazimulo kaNkulunkulu iyalikhanyisa. Ubusuku abuyobakhona lapho.



11

Ngisho izilwane eZulwini zihlukile. Azilimazi futhi ziyadlalisana. Izimpisi kanye namawundlu kudla utshani ndawonye. Ngisho nengonyama idla utshani njengenkomo. INkosi ithi, "Aziyikulimaza, azingacithi kuyo yonke intaba Yami engcwele."



12

Masiqalaza, siyabona ukuthi kukhona izinto ezingekho eZulwini. Akekho othuka omunye. Akekho olwa nomunye, futhi akekho unomona. Izicabha azikhiywa, ngoba amasela akekho eZulwini.



13

Abekho abaqamba amanga, abekho ababulali, abekho abathakathi kanye nabo bonke abantu abangalungile. Asikho isono eZulwini.



14



EZulwini akukho ukukhala, azikho izinyembezi. Ngesinye isikhathi, abantu baNkulunkulu bayakhala ngenxa yezimo ezidabukisayo empilweni. EZulwini, uNkulunkulu uyozisula zonke lezonyembezi.

15

Akukho ukufa eZulwini futhi, Abantu baNkulunkulu bayoba neNkosi kuze kube ingunaphakade. Akukho ukudabuka, azikho izinyembezi, azikho izinhlungu. Akukho ukugula, Akukho ukungcwaba. Wonke umuntu eZulwini uyaJabula kuze kube ingunaphaka noNkulunkulu.



16

Okuhle kunakho konke, iZulu elabafana futhi elamantombazane (ngisho nabadala futhi) abakholiwe kuJesu Kresti njengoMsindisi wabo futhi bamulalela njengeNkosi yabo. EZulwini kukhona incwadi ekuthiwa Incwadi Yokuphila Yewundlu. Igcwele amagama abantu. Uyazi ukuthi amagama obani alapha na? Bonke labantu ababeka ithemba labo kuJesu. Ngabe likhona elakho na?



17

Amazwi okugcina eBhayibheli ngeZulu ayisimemo esihle kakhulu. "UMoya nomlobokazi bathi, 'Woza!' Nozwayo makathi: 'Woza!' Nowomileyo makeze, othandayo makathathe amanzi okuphila ngesihle."



18

Izulu, Ikhaya LikaNkulunkulu Elihle


Indaba evela kwiZwi laNkulunkulu, iBhayibheli,

Itholakala

Johane 14; 2 Korinte 5;
IsAmbulo 4, 21, 22

"Ukwambulwa kwaMazwi Akho kuyakhanyisa."
AmaHubo 119:130

19



60

60 20

Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu:

Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16